


B. N. C.
FIRENZE
1168
4



1162.4

DE VSV ARTIS
ANATOMICAE

O R A T I O

A. COCCHII MUGELLANI

COLL. MEDIC. FLORENTINI ET PVBL.
PHIL. NAT. ET ANATOMES PROF.

HABITA

IN BIBLIOTHECA INSIG. NOSOCOMII
S. MARIAE NOVAE
III. ID. MART. MDCCXXXVI

AUCTORITATE

ILLVSTRISS. ET REVERENDISS.
PRAESVLIS

IOANNIS ANDREAE PINII

CVRATORIS AMPLISSIMI



FLORENTIAE. MDCCXXXVI.

Typis ANTONII MARIAE ALBIZZINII

Cum approbatione.



THE NEW YORK LIBRARY

ASTOR
TENNYSON
LIBRARY

NEW YORK
LIBRARY



1162.4

לבי שמח מכל עמלי
ו זה היה חלקי
קהלת



A. COCCHII MUGELLANI

ORATIO DE VSU ARTIS
ANATOMICAE



NATURALIS philosophiae
partem, quae corporis
humani viventis orga-
na insitamque ea mo-
vendi facultatem con-
templatur, & Graeco
receptoque vocabulo dicitur anthro-
pologia, ad intelligendos praecipue
morbos, qui manu curantur, in
hoc celebri gymnasio tractaturus. IL-
LUSTRISSIME ET REVERENDISSI-
ME PRAESVL operae pretium duxi,
nonnulla more maiorum de huius

A scien-

scientiae progressu , existimatione apud cultas quasque gentes , ac varia utilitate praefari , tum ut adolescentem animum ad hoc studium libentius adiungant , cuius videant laudes in hoc clarissimorum hominum confessu celebrari , tum vero ut consilii tui ratio in promovendis medicina & chirurgia praestantissimis artibus apertius cognoscatur. Quae dum praestare conabor ne expectetis doctissimi auditores ornatam orationem , quam neque res postulat neque facere ego valeo , qui iamdudum maluerim usum medendi & mutas artes inglorius agitare , sed disceptationem potius , neque sermonibus , quos deinceps habiturus sum inopportunam , & vobis qui eruditione & iudicio polletis , ac de cuiusque disciplinae origine incremento conditione cognoscendis solliciti estis , si fas est mihi tam prospera augurari , fortasse non inuicundam .

Nul-

Nullius siquidem doctrinae tam illustria principia apud antiquas gentes humanitatis fama praestantes, quam huiusce quae vitae animaeque vim in corporibus explicare conatur, invenire est in vetustissimis quae supersunt rerum humanarum monumentis. Clara enim de interiori hominis fabrica indicia leguntur in libris Mo-
 sis & Salomonis, quibus evincitur Iudaeorum antiquissimam gentem, ut universam medicinam plurimi faciebat, ita & cognoscendis morborum intimis sedibus non minimam curam adhibuisse, quod & facile iis admodum fuisse credibile est vel aliud agentibus, ob frequentissimas scilicet cruentas oblationes, quarum plerasque facere sine accurato membrorum viscerumque victimae delectu nefas habebant, ut sacri etiam nunc libri testantur. Eademque ratione non omnino rudes Anthropo-

A 2

logiae

logiae fuisse existimandi sunt quicunque eodem ritu utebantur hostias certo quodam modo exenterandi, vel haruspicinae faciendae, vel sacram epularum causa, seu Chaldaei, seu Persae, seu qui manus scelerare non metuebant Poeni, soliti ut Ennius ait suos sacrificare puellos, eiusdemque originis & impiae religionis, vel incolae nostri vel maiores Etrusci, & quicunque barbaricae sapientiae laude celebrantur, quorum scripta vetustas abolevit.

De Aegyptiis res paulo certior esse videtur, non mediocrem scilicet corporis humani notitiam esse affecutos, cum & conscripti libri anatomici, & mortuorum corpora ad scrutandos morbos ab ipsismet regibus dissecta memorentur, & cum aperiendi, condiendique cadavera consuetudo illius gentis, omnium ore iam sit ubique pervulgata. Cuius quidem
rei

*Barce
relevar
mum.*

rei & argumento. esse possunt quae ab Homero & Herodoto luculentissimis testibus de Aegyptiorum medicina tam praeclara narrantur, & quod apud illos quorundam morborum singulares medici fuerint, & praesertim oculorum, quod sine exquisita illius organi cognitione fieri non potuisse nemo est qui non videat. Quibus & illa non levis accedit coniectura, nonnulla scilicet egregia penitioris medicinae dogmata ab Aegyptiis habuisse, qui primi Graecorum sapientes hanc artem coluerunt, quae cum ceteris eorum placitis non bene respondeant, aliunde profecta esse oportet, ab ea nempe gente cui intima corporis humani non erant abscondita, quamque vicini omnes scientiae adipiscendae causa saepissime adibant.

Verum obscura haec sunt & incerta, remotissimae antiquitatis caligine

ne obvoluta , de studio barbarorum sapientum in anthropologiam , quam novimus non secus ac ceteras disciplinas , & diligentius multo excultam , & enucleatius explicatam deinceps fuisse a Graecis , qui & eloquentiae & ingenii laudem omnium terrarum hominibus praeripuere. Graecorum vero ut omnium longe optima ita & antiquissima sunt Homeri poemata , in quibus praeter egregiam fabulae inventionem , morumque aptillimam varietatem , sententiarum pondus , ac singularem carminis elegantiam , nemo est qui non animadvertat disciplinarum omnium quasi semina & de hominis praesertim interiori structura non illum miretur tam apposite multis in locis locutum fuisse. Vulnera enim lethalia graphice describit , tendinumque insertiones indicat , immo & ligamentum vidisse crediderim quo hep-

par

par septo neſtitur , & reconditos iſchiorum ſinus rotundos , quibus femorum capita artantur atque moventur . Quod ſi Empedoclis carmina etiamnunc exponerent praeclara eius reperta , non minimam illi curam fuiſſe videremus humani corporis motus atque actiones explicare , ut e paucis fragmentis quae ſuperſunt conſpicere eſt , in quibus & ſubobſcura de ſanguinis motu notio deprehenditur .

Cum vero Italica quae Crotone erat medicorum ſchola graviffimo Herodoti teſtimonio Graecis omnibus olim antecelleret , nil mirum Crotoniatem Alcmaeonem ob ſingulare in ſecandis animalibus ſtudium celebrari , & Pythagoraeis omnibus eiufdem ſcholae medicis diſquiſitiones anatomicas plurimum arriffiſſe , quarum nonnulla veſtigia exhibet Timaei Locri libellus , e magno illo vetu-

tustae philosophiae naufragio servatus. Timaei vero non ultima laus censenda est, quod Plato ut ferunt eius cognoscendi gratia in Italiam venerit, & ab eo multa didicerit, vel maxime quod hunc quasi archetypum in physicis rebus explicandis sibi proposuerit & eius nomine celebrem illum suum de universitate dialogum inscripserit. Cuius quidem dialogi non minima pars in hominis fabricatione perspicienda absumitur, & sentiendi & movendi viribus explicandis, ubi etsi vir divinus in nonnullis erraverit, excusandus tamen videtur cum & Democritus & ipse medicorum coryphaeus Hippocrates, & qui Aesculapii filii vocabantur, non multum meliora protulerint. Laudanda clarorum virorum voluntas, & conatus in re adeo multiplici & innumeris difficultatibus impedita magna animi contentione imitandi sunt.

Id

Id illa aetate omnium optime fecisse scimus Aristotelem admirabilis ingenii virum, qui a Machaone genus ducens, & nobilis medici filius, medicinae studia semper excoluit, cuius etiam artis amore ut refert Plutarchus Alexandrum sua consuetudine imbuunt. Quare inflammatus magnus ille rex animalium naturas noscendi, hanc commentationem delegavit Aristoteli, qui praeclara illa volumina condidit quae ad nos pervenere, multis iisque non vulgaribus inventis referta, & fama est etiam anatomicas data opera ab eo conscriptas, quae temporum iniuria perierunt. Non me latet Auditores multa in Aristotelis doctrina de hominis natura reprehendi posse, cum sola praesertim, ut ipsemet ingenue fateatur, analogia usus fuerit a similibus brutorum sectione ad interiores hominis partes quas penitus ignotas vo-

B

cat

cat explicandas. Verum nemo qui non sit plane rudis inficias ibit, multa quoque in eius scriptis utilia paucisque animadversa reperiri, quae ab iis qui nunquam versant exemplaria Graeca, saepe non sine laude novitatis excipiuntur.

Longe felicior in promovenda humanae naturae doctrina fuit Aristotelis ex filia nepos Erasistratus utpote cui primo Graecorum licuit hominum viscera perscrutari. Fatendum enim est antiquioribus suae gentis hominibus & vicinis fortasse omnibus, mortuorum lacerationem impiam, visam fuisse vel foedam. Aegyptii quippe ipsi qui minus cadaverum contrectationem execrabantur eum, tamen pollincturae ministrum qui sectionem auspicabatur abdomen aperiens, & odio & despectui habebant, ut narrat Diodorus, cum ceteros honorarent, qui viscera resecabant la-

va-

*not. Iygenam
Hania Graecia
Hortensia
versabile manu
versabile diuina*

67

vabant & illinebant. Et qui veterum libris delectantur, animadverterunt ni fallor animis hominum ubique insedisse ab antiquissimis usque temporibus tantam erga deos quos dicebant Manes reverentiam, ut licet eorum iura sancta esse legum latores statuerint, sumtus tamen & luctum ab iis removeere vel minuere necessarium duxerint.

Nec multum sane eae rationes profecerunt, quas Plato acute & eleganter ut solet ultimo libro legum exposuit, ut viventes liberaret a nimia erga defunctorum corpora sollicitudine, quae & idola mera, & carnis massas, & terrestres exanimis cippos verissime appellat, quaeque nihil prorsus consanguineos pertineant qui diem suum obiere quibusque opitulari est animus. Quae quidem de animi & corporis diversa natura, & per interitum separatione luculenter a Pla-

tone explicata, ut sint sapientibus ad intelligendum facillima, vulgo tamen adeo videbantur ab humanitate remota, ut non tam religione abstererentur a perscrutandis mortuorum visceribus quam quod iniuriam eo modo illis fieri putarent, quos sibi persuadere vix poterant iam civitatem exuisse, vel sua corpora non curare.

Hinc factum esse putaverim ut cum Erasistratus Antiochi Regis Syriae animum fortasse ob conciliatas illi Stratonicae nuptias mirum in modum sibi devinxerit, singulari comitate & prudentia omnium ore celebrata, ab eo demum obtinuerit, ut hominum nocentium corpora, qui iura omnia societatis amiserant, quocumque modo libuisset, incidendi facultas esset. Eademque aetate atque in vicina Aegypto cum uterque Ptolemaeus Lagi filius & Philadelphus
di-

disciplinis omnibus impense faverent
 clarosque doctrina viros undique con-
 vocarent , Herophilus Chalcedonius
 Alexandriae medicinam facitabat ,
 qui & ingenio & solertia antiquiores
 medicos omnes superasse videtur . Is
 cupidine flagrans humani corporis pe-
 nitus cognoscendi , cuius valetudinis
 & servandae & restituendae egregius
 artifex habebatur , praeter innumera
 animalia , complura itidem damna-
 torum hominum corpora regum eo-
 rumdem indulgentia dissecuit . Fieri
 enim alio modo non poterat ut vasa
 chylifera videret , & scienter & pe-
 ritissime diceret perquam raro in
 hominibus , non raro autem in bru-
 tis iecur in sinistra parte deprehen-
 di , quod in hoc ipso gymnasio , ubi
 quamplurima cadavera quotannis
 aperiuntur , semel dumtaxat mea
 memoria observatum est .

Non dissimulabo Auditores male
 apud

apud nonnullos audire Erasistratum atque Herophilum quasi nocentes illos homines non sine dirae crudelitatis crimine vivos inciderint. Quod si vere fecerunt merito vituperandos fuisse censeo, quod cum scelere curiosi exitium aliquibus atrocissimum attulerint, quos esse praesidio cunctis oportebat. Sed cum Epicharmi celebre dictum teneam, nervos atque artus esse sapientiae non temere credere, dicam libere quod sentio, damnatorum corpora a nobilissimis illis medicis fuisse dissecta, postquam scilicet eos carnifex enecasset & ex hominibus cadavera fecisset, ut nostra etiam aetate publicis in scholis fieri consuevit. Cum vero id esset omnino insolens & vulgo videretur etiam inhumanum, nil mirum si rumor inde sinister emanavit de utriusque solertissimi medici crudelitate, quem rumorem, ut ple-
rum-

rumque praevalent peiora , multi avidissime crediderunt , non secus ac nostrorum avorum memoria eadem immo & iniquiori falsa criminatione insimulatos fuisse scimus & Bonarotam & Carpum & Vesalium saeculi sui ornamenta . Nescio enim quo malo fato medicina quae sanitatem promittit qua nihil esse debet homini carius , nonnullos omni aetate obtrectatores nacta est , praeclaros ceteroquin viros , qui nimium ad male dicendum arti praestantissimae & salutari se proclives ostenderunt , acerbe ferentes ni fallor quod non aequae liceat morbis omnibus mederi , & quod vel invita medicina via leti semel calcanda sit .

Hinc Empiricorum illae querae de inani & subtiliori medicinae studio , hinc perpetuae atque acres accusationes in veterum praesertim Romanorum libris obviae , quas super-

*Ovid. sed nos in
vitium crederet
turbamur
τλίστον γὰρ ἂν
ἐπιδόμαρ φησὶ
τοιοῦτο*

pervacaneum est & pudet refellere. Huiusmodi & illa Ciceronis esse videtur, aperuisse scilicet medicos corpora ut viderentur ea nosse, ipsorum enim intererat, nec eo tamen ut aiebant empirici notiora fuisse illa, quia possit fieri ut patefacta & detecta mutantur. Quibus quidem verbis innuitur fortasse haec ipsa de qua loquebamur Erasistrati & Herophili humanorum viscerum consideratio, quam dum Celsus quoque memorat, & in vivis hominibus factam fuisse dicit, vereor ne nimium credulus empiricorum sermones ut facere saepe solet retulerit, cum praesertim eius aetati proximus neque sordidus auctor Quintilianus, qui scripta eius omnia viderat, suspicionem nobis iniecerit de mediocri illius ingenio, & de collectis aliunde medicinae praeceptis, praeclaris illis quidem & oppido bonis, quam ab artis

tis

tis ipsius exercitatione a qua Romanum hominem se abstinuisse, & credibile est, & revera iis qui clanicam callent multis ex locis apertissime patet. De Erasistrato quidem res esse videtur extra omnem dubitationis aleam, non nisi mortuorum corpora secuisse, cum enim falsae & absurdae illius sententiae auctor fuisse perhibeatur, cuius causa ludibrio etiam se minoribus fuit, sanguinem scilicet non contineri neque inesse in arteriis, idque in solis cadaveribus obtineat; quis non videt solam cadaverum observationem errandi ansam egregio viro praebuisset?

Præter Celsum vero meminit anatomes in vivis ab Herophilo per-
petratae Tertullianus, cuius viri testimonium gravissimae in aliis rebus auctoritatis, de hoc facto non magni faciendum putaverim, quod ab eius aetate longissime abest, & est de re

C

cuius

κλινικῇ, ἀβ
σεμείων βιβλ.
ὁφθαλμοῦ

cuius ille erat minime sollicitus, quamque declamatorio stilo exaggerasse videtur. Neque ad confirmandam vivorum resectionem a medicis aliquando adhibitam, multum facere crediderim quae a Theophane de Constantino Leonis Isaurii filio imperatore narrantur, qui medicos ad quendam damnatum iamque manibus pedibusque truncatum adduci voluit, ut dum vivo alvus atque praecordia inciderentur, omne viscus in eorum conspectum veniret. Quae Theophanis narratio, apud quem si vera fas est dicere, subinvifum fuit Constantini nomen, in historiam quam vocant miscellam translata & perversa, ut pleraque illius sunt, non neminem in errorem induxit, qui crudelem medicorum consuetudinem inde evincere conatus est. Eoque magis suspicari licet paucos hosce vivorum sectionis assertores cuius

ius medici infimulantur, aliqua fallacia deceptos fuisse, quod altum ea de re silentium apud reliquos omnes antiquos scriptores sit, quorum etiam id memorasse intererat praecipueque Plinium atque Galenum, qui copia & multiplicitate ceteros facile superant. Recentiorum vero & plerumque vulgaris doctrinae hominum auctoritatem nihili faciendam censeo, apud quos & Celsi & Tertulliani verba vel millies repetita invenire est, nullis coniecturis nullisque rationibus, sed conviciis tantum erga difficillimam atque immerentem artem locupletata.

Magnorum ergo regum, ut eo redeat unde aberravit oratio, Antiochi & Ptolemaei clementiae, & illustrium medicorum Erasistrati atque Herophili sedulitati, humanae naturae doctrina debet quod ante viginti saecula oculis manibusque ex ipsius humani corporis perscrutatione com-

parari coeperit, quod scientiae omnis longe optimum est principium & fons. Hinc certe primum manarunt quae medicis magno deinde auxilio fuere veriora dogmata, ad morbos seu curandos seu deploratos non attingendos, praecipueque ad chirurgica opera praestanda, quorum pleraeque administrationes ab eo tempore Graecis adinventae quasi per manus traditae ad nos usque pervenere. Quod autem medici insequentes cadavera hominum secare denuo neglexerint, id non eorum socordia factum fuisse credendum est, sed ob regum & populorum repugnantem religionis vel iustitiae causa voluntatem. Nam post Ptolemaei Philadelphi aetatem invaluisse videtur apud Grecos consuetudo, quam & Romanos Graecorum in omnibus aemulos observasse novimus, non negandi corpora eorum qui capite damnabantur cognatis ipsorum, vel

vel dandi ea quibuscumque petentibus ad sepulturam, immo & sepeliendi non aliter quam si petatum & permissum fit, ut e commentariis divi Augusti refert Vlpianus & ut Paulus faciendum esse putavit.

Qua consuetudine quae humanitatis plurimum habere videtur, nihil unquam potuit medicorum studiis atque adeo ipsi hominum incolumitati magis adversum atque nocentius obtingere. Oportuit enim illos sola officium humanorum compagine contentos esse, quae in schola Alexandrina praeteritarum fortasse sectionum reliquiae ostendebantur, huiusque spectaculi causa in Aegyptum navigare, vel fortuita per vulnus interiorum vivi hominis partium observatione uti, quam traumaticam anatomen vocare, vel denique sola brutorum viscera inspicere, ut ex Rufi testimonio & querela & ex innumeris Galeni

*quasi vulnera
traumatica vulnus*

leni locis colligere est. Ideoque nemini mirum esse debet si nulla exempla dissectorum hominum in tot veterum scriptis post Herophilum occurrant, praeter unum aut alterum, vel hostis in bello caesi, vel mortui infantis expositi, quos nimia quoque cum festinatione & quasi meticuloſe dissectos fuisse animadvertimus. Non ideo tamen ignavos fuisse putandum est in perquirenda hominis natura, clarissimos illos medicos, qui deinceps vel in Graecia vel in urbe Roma totius orbis celeberrima ingenii laude atque artis peritia floruerunt. Solerter enim in hoc studium incubuisse ostendunt tum eorum chirurgica facta, tum praecepta quaedam & certa & salutaria, quae ex eorum fragmentis erui possunt, tum libri qui ab ipsis conscripti memorantur. Adeo ut credibile sit hac parte sapientiae excelluisse Aesclepiadem, Musam, Archige-

chigenem, Soranum, Marinum, quorum maxime scripta periisse dolemus. Ruffi autem & Celfi diligentia in recensendis humani corporis partibus, Aretaei & Aureliani in indagandis morborum cauffis & locis admirabilis sagacitas, cui non persuadeat certiffimam eos existimaffe sanitatis reftituendae methodum hominis cognitionem? Adeo ut fi empiricos, quibus difficilior omnis perfcrutatio fuit invifa, & nonnullos fortaffe male dialecticos disciplinarum omnium irrifores excipiamus, neminem ex antiquis nominare liceat qui genus hoc fcientiae non maximi fecerit.

Cuius quidem ftudio aequales fuos omnes viciffe conftat Galenum, qui licet hominem numquam fe- cuiffe videatur, ita tamen diligenter fuperiorum libros excuffit, & quae cafus obtulit vel mortuorum offa,
vel

vel vivorum vulnera inspexit , & animantium tam frequentes & privatim & publice sectiones administravit , ut posteris suis spem paene omnem per multa saecula aliquid arti difficillimae adiacendi praeipperit . Hanc ille ornatè adeo & copiose pertractavit , ut suae gentis homines , apud quos literarum studia paulo diutius utcunque steterè , in solis eius libris haberent , unde res huiusmodi aliquatenus cognoscendi desiderio satisfacerent , immo praecipua huius doctrinae capita ab ipso hausta vel decies repetita observare est in scriptis medicorum qui sunt illum proxime infecuti . Neque medicos tantum ea cura incessit infelicibus illis temporibus ad barbariem vergentibus , sed theologi praesertim valde sunt eo studio delectati , ut Gregorius Nyssenus , Meletius , Theophilus , & aliis hac in re praestantior

Ne-

Nemefius Emisenus, quorum etiam nunc elegantes libelli de hominis natura & opificio leguntur

*Actantius etiam
de Opificio hominis
scripsit.*

Cum autem res Asiae atque Europae, ab australibus illic, a borealibus hic barbaris funditus everfae fuissent, & gymnasia ubique deleta, desuit Alexandrina medicorum schola quae tot saeculis primas toto orbe obtinuerat, & refertissimae bibliothecae libri omnes dispersi fuerunt, ut narrat Abulpharagius, ad calefacienda Alexandriae balnea, & semestri spatio combusti. Quare genus humanum ab eo saeculo inimum ignorantiae barathrum delapsum est, paucis tantummodo literarum vestigiis remanentibus apud Graecos & apud Latinos literatores per occidentis terras in agris & silvis religiosisque locis abditos atque palantes. Nec multum auxilii ut emergerent attulere ipsi Arabum.

Barbura.

D

prin-

*loci religiosi
nunc ubi cadaver
vel corpus hominis
conditum est. et c.*

*Sit. Ind. de relig. et
sunt. Quere. et sunt.
[illegible]*

principes , qui ob gustatam deinde Graecorum sapientiam , disiectas disciplinas omnes restituere conati sunt . Vix enim pauca a Graecis translata delibasse videntur Arabes scriptores philosophiam spectantia , dialecticorum vero tricis impliciti & nugacibus quibusdam religionibus impediti humanae naturae doctrinam excolere nequiverunt . Fatendum tamen est in tantis tenebris eos vidisse huius scientiae praestantiam , quam nonnunquam queruntur experimentis assequi non posse , cum ceteroquin & medicinam & chirurgiam maximi fecerint , neque contemnendis collateralis ditaverint

Paulo felicius res cessit Italis nostris , qui cum disciplinas omnes & Latinum sermonem ipsum ob frequentes barbarorum depopulationes paene intercidisse viderent , prudentissimo consilio publica gymnasia in variis Italiae

liae urbibus condidere , ubi sapientiae professores , quos optimos quisque nancisci poterat , undique advocati sunt , ut cunctas quas colligere licebat veteris doctrinae reliquias suis adolescentibus traderent , quae tanquam semina fertili humo commissa & diligenter exculta , post paucas aetates in omne genus solidioris scientiae crevere . In primis fuisse videmus disciplinas omnes medico necessarias , quas etsi protinus non e Graecis fontibus haurire sed ex Arabicis rivulis lutulentas excipere necesse fuerit , grande tamen facinus ante quadringentos annos primi mortalium maiores nostri aggressi sunt , corpora scilicet punitorum hominum apertissime & publice in scholis secanda & ostendenda esse perpetua lege sanxerunt

Cuius quidem exempli gloria merito celebrandi sunt Bononienfes,
D 2 apud

mundum
 apud quos primus Italorum Mundi-
 nus anatomicum librum humanis in-
 spectis cadaveribus conscripsit. Fuere
 haec tamen levia doctrinae de ho-
 mine primordia, si cum studiis com-
 parentur quae ducentos fere post an-
 nos quamplurimi egregii viri in Ita-
 lia ad hanc rem contulere. Cum
 primum invaluisse videtur omnium
 optima consuetudo, corpora quae-
 cunque hominum haberi poterant,
 vel etiam morbo defunctorum inci-
 dendi, quoniam in tanta & philo-
 sophiae & Christianae sapientiae cla-
 ritate nullus id prohibere poterat,
 iniuriae faciundae metus iis qui iam
 cives esse desierant, nullaue religio
fabularum manium abstertere, quae
 res antiquis ad cognitionem impedi-
 mento maxime fuerant

Nova haec incidendi licentia an-
 te annos paulo plus ducentos coepta,
 mirum profecto in quam magnum:
 bo-

bonum tam cito evaserit . Huic quippe debemus certas de abditis morborum caussis observationes , quarum primus omnium ni fallor exempla elegantissime descripsit popularis noster Antonius Benivenius , quem plurimi deinde sunt imitati . Neque aliunde orta est liberalis illa audacia qua nostri homines medicorum ingenia a veterum erroribus asseruere , excussa auctoritate cuiuscunque magistri , ubi contra res ipsa loquitur . Hinc veriores & suis numeris & partibus expletæ descriptiones , quæ nonnunquam occurrunt in maiorum nostrorum libris . ut Carpi , Columbi , Falloppii , Arantii , Eustachii , & Vesalii , si fas tamen est nostrum hunc appellare , cui cadaverum secandorum copia primum apud nos libere fuit , & plures annos in celeberrimis Italiae gymnasiis multo cum plausu docuit . Hinc ad vivum effectæ niti-

dis

diffimae & veris simillimae imagines, ut pleraeque ipsius Vesalii, Casserii & Fabricii, & quae sunt in magna hominum admiratione diligentissimi Eustachii

Neque sine illa cadaverum scrutandorum facultate credibile est Columbium, & Caesalpinum, veram cordis & canalium adiunctorum fabricam & usum, sanguinis scilicet transitum per pulmonem, videre atque intelligere potuisse, quae ad celeberrimum illud de sanguinis circulatione inventum viam deinde faciliorem straverunt. Cuius gloriam etsi homini Britannico libenter concedamus, qui eam ex omni parte patentem, atque apertam fecit, & quae inde sequuntur ad hominis atque animantium vitam, naturamque intelligendam planissime explicavit, non mediocris tamen Italiae laus putanda est, ipsumque Harvaeum & qui ad exteras nationes

Inf. Harvaeo

nes hanc scientiam primi attulerunt, fere omnes nostris in terris diu advenas atque hospites discendi causa fuisse

Ac tanto deinde cognoscendae humanae fabricae studio flagrasse cultissimas quasque Europae gentes videmus, ut nullus fere locus sit aut celebritate & opibus, aut doctrinae laude insignis qui praeclaro aliquo anatomico invento hodie non gloriatur. Praeter enim Britannos quibus felicissimum illud omnium debetur, merito se extollit Gallia ob monstratum verum chyli ingressum in sanguinis iter, atque ita liberatam ab errore vetustissimo medicinam. Septentrionalium regionum accolae sibi tribui gaudent detectum tenuissimarum venarum genus, antea non visum, quas lymphaticas appellant, quibus ignoratis, intelligi nullo modo poterat universus humorum

rum circuitus. Cui vero non laudata Batavorum industria, qui primi cavos canales corporis colorato liquore vel cera opplere mirabili artificio didicerunt, unde vasorum minutissimae propagines in conspectum venire, viscerumque & glandularum recondita structura, circa quam tot saeculorum sagacissimi artifices allucinati sunt, nostro demum apertissime innotuit? Quae partium corporis humani elegantissimae conditurae, in dissitas terras asportatae, occasionem dedere & Scythis & Sarmatis anatomes studium suscipiendi, unde conscriptos apud eas gentes, sola quondam feritate celebratas, anatomicos libellos, longo itinere ad nos nuper advectos, non sine magna oblectatione perlegimus

Neque in tanta ingeniorum aemulatione Italorum animos incitatos
non

non fuisse credendum est vel non habere quod sibi plaudere possint. Venas certe chyliferas, quas frustra vidisse novimus antiquos, primus omnium vidit & intellexit Asellius, qui etsi fines earum non bene persecutus fuerit, ea tamen est illius inventi utilitas, ut sua magna laude auctor fraudandus non sit. Sed quis de humanae naturae doctrina non optime meritos agnoscat Borellium atque Bellinium, qui acutissimas rationes a penitiori philosophia desumptas, primi omnium ad explicandas vivi corporis actiones & motus ingeniose adhibuerunt?

Quamcunque vero laudem sperare videtur mirabilis illa ac paene divina Malpighii facultas, abstrusiora omnia naturae intime indagandi & perfectissime describendi. Hic primus non solum praecipua vitae organa in suas partes resoluta & di-

E

visa

12
 visa patefecit, sed quod plurimi
 faciendum est, posteros omnes suo
 exemplo docuit in omni naturali
 historia a ficto verum secernere.
 Hic simplicem atque unam, eamque
 perpetuis mechanices legibus obstri-
 ctam methodum naturae, in cor-
 porum viventium actionibus obeundis
 innumeris experimentis detexit & ex-
 plicavit, & longe distitas olim plan-
 tarum atque omnis generis anima-
 lium & humani corporis observatio-
 nes felicissime iunxit, mutuaque
 sibi lucem asserre atque in eundem
 scopum collineare ostendit.

Verum aetas haec nostra praete-
 ritas omnes facile superat in exco-
 lenda hac iucundissima naturalis phi-
 losophiae parte, quae collatis tot
 gentium studiis iam est eam ampli-
 tudinem consecuta, atque adeo certis
 experimentis innititur, ut omnium
 sapientum animos valeat allicere.

Ne-

Nemo enim est qui non videat veritatem sui ipsius causa expetendam esse, cum nihil tam conducatur ad abolendam stultitiam, & errores ex animis hominum eruendos, quam res plurimas, cuiuscunque generis illae sint, certo cognoscere. Nam vel perfunctorie universitatem hanc contemplanti patebit res cunctas perpetuo quodam nexu inter se iungi ut nihil aliud veritas esse possit quam rerum ipsa natura. Quam ob rem cum duo summa corporum genera philosophorum contemplationi obii-
 ciantur, viventia scilicet & vitae expertia, nemo qui non sit plane hebes factum satis esse putaverit, si motus omnes qui massas materiei inertes cient, propagatos & a perenni una & ignotae naturae causa oriundos animadvertat, seu gravitas illa seu mutuus impetus dicatur, nisi simul motus alterum principium

pium omnino diversum in corporibus viventibus agnoscat, quod gravitatis legibus minime obtemperare videtur. Cuius principii cum unusquisque nostrum insitam sibi vim perpetuo sentiat, qua vivimus cogitamus atque movemur, nonne eum qui recte philosophari velit, oportebit sui ipsius corporis partes, quae organa & instrumenta vitae atque animae sunt, exactissime cognoscere, ut virtutem quae illa movet, facillimo negotio valeat frequentissimo certoque experimento metiri; ceterorumque deinde animalium & plantarum corpora mechanica quadam & mirabili ratione; vitae viribus mota apertius & iucundissime intelligere? Eaque de causa corporis humani contemplatio philosophis praeterea debet esse carissima, quod neque res alias intelligendi recte spes ulla esse possit, nisi prius sensuum

*2. organa intra-
mentis abina*

suum nostrorum organa perlustrentur , unde scientiam omnem primum proficisci necesse est . Ideoque ni fallor qui veterem philosophandi rationem avorum nostrorum memoria magna ex parte mutarunt , & luculentae qua nunc fruimur physicae disciplinae viam stravere , oculorum praecipue fabricam ante omnia sibi diligentissime cognoscendam esse putarunt , sine qua nec lucis phaenomena explicari possunt , nec certo cognosci fideles rerum imagines quae inde animis imprimuntur

Quanti vero ponderis sit corporis humani notitia , Platoni & Tullio usurpata in praeclara illa quaestione de natura deorum , quod argumenti genus sanctis quoque theologis mirum in modum placuisse videmus , ii melius norunt qui sublimia illa docent , ut iuris consulti vident quae commoda praestare

stare possit iis qui publica auctoritate civium delicta cognoscunt. Neque privatim moderandis uniuscuiusque moribus parum conferre possunt semina illa continentiae & temperantiae, quae frequens corporum refectio suppeditat, eorum hominum quos vel vulgivaga venus vel malesuada cupediarum ingluvies iugulavit. Vident profecto soli anatores studiosi quam levi principio vel infirma valetudo, vel gravissimi plerunque morbi oriantur, & quam facile saepe vitari possint si boni servantur mores, quos scilicet neque desidia neque luxuria vitiaverit. Cum autem nemini melius pateat quam certa sit cito moriendi necessitas, & intima corporis quam caduca, adeo ut neque imbelles nec delicatuli valeant effugere aut senium aut quae nos undique fata circumstant, facile crediderim ex hoc spectaculo bonos & for-

fortes fieri adolescentes, ut mortem etiam contemnant, in quo summa virtus hominum sita est. Et quoniam vita brevis spem nimis longam inchoare nos vetat, nemo videt apertius quam sit delirio similis in-
 explebilis illa pecuniae colligendae libido, qua nonnullorum qui parum erant anatomici avida ingenia laborasse novimus, quasi se crederent nonnisi post aliquot saecula morituros, nullumque finem esse debere parandi praesidia vitae diuturnae. Nonne putatis auditores vitae humanae cognitionem, quae a tot fragilium machinarum levissimo ~~motu~~ pendet, crebramque adeo mortalitatis recordationem, quemcunque sanae mentis absterere posse a ridicula avaritia, quae homines ceteroquin probos, inhospitales & acerbos reddit & bonas artes omnes subvertit?

Igi-

*ex Horatio lib. 2
 carm.*

*Vitalis una fuit
 spes, ne vetat
 inchoare longam*

Igitur ut universim politioribus hominibus & ad augendam scientiam, & ad mores temperandos, opportuna est corporis humani exquisita cognitio, ita quorundam praesertim artificum facultas ea maxime crescit. De sculptoribus & pictoribus id suo exemplo ostenderunt quicunque earum artium praestantia celebrantur, medicis vero quibus sanitatem civium tueri & restituere propositum est, prorsus necessaria ab omnibus aetatum omnium sapientibus habita fuit. Quotus enim quisque est qui temeritatem artificis non improbet si machinam, cuius partes organicas earumque nexum & vim privatam penitus ignoret, casu quodam labefactatam reficere aggrediatur? Eoque magis si illa fuerit quantivis pretii & exilibus fragilibusque membris & irreparabili damno obnoxiiis contexta. Quare stultissima empiricorum natio

*principale Jacoby
a Pistorius
et ut nihil de stich.
et regis diana*

tio, qui maximo etiam nunc universi hominum generis detrimento, corporis humani cognitionem revera difficilem veluti supervacaneam damnare non verentur, nullo modo vobis qui sapitis fraudem imponere debet, sed potius praeclaris medicis nostris auctoribus, qui civitatem hanc ornant, quorumque aliquot hic adesse magno meo honori duco, existimate auditores non aliunde proficisci, si quae sunt quae arti nostrae vitio verti merito possint, quam ex nondum penitus explorata hominis natura. Neque putate quaecunque irrita anilia foeda ac ridicula remedia a medicorum filiis aliquando adhibita fuere, nec quae valida mechanica & multarum gentium usu comprobata pueriliter timentur, ab aliis quam ab imperitis anatomicarum disquisitionum vel inventa fuisse vel explosa. Sed

F

om-

*signa**signa
from. ges. a. j. a. u. v.**secret. i.*

omnium maxime anatomes auxilium ea postulat medicinae pars quae manu curat, vetustissima, magnaue ingeniorum contentione, omnibus saeculis exculta, cuius effectus cum sit evidentissimus ceteris medicinae partibus, quae reconditis quidem sed tamen similibus morbis succurrunt, optima praebere potest fundamenta, ideoque ante alias ordine non perturbato addiscenda est. Cum autem chirurgus aut vulnus accipiat aut faciat, & quae ad ossa pertinent adhibita plerunque vi perficiat, nemo tam stolidus esse potest, qui neget omnium vel minutissimarum corporis partium chirurgum esse peritissimum oportere

Quae cum ita se habeant, intelligitis auditores qua nam laude donandus sit vir eximius, qui postquam a SERENISS. MAGNO DVCE IOANNE GASTONE clementissimo prin-

principe , curator huius valetudinarii
praefectus est , nihil potius habuit
quam medicinae & chirurgiae stu-
dia quibus rebus maxime indigent
adiuvare . Sensit enim ut est inge-
nio & beneficentia praestantissimus
locum hunc , qui collatis privatorum
opibus & principum patrocinio in
hanc amplitudinem excrevit , ut pau-
peribus aegrotis non solum urbanae
plebis sed rusticanae quoque & ad-
venis excipiendis & integre curandis
sufficiat , non posse aequè omnium
ordinum civibus , divitibus scilicet
etiam & primoribus opitulari , &
ipsius urbis gloriam extendere , nisi
ex hoc quasi seminario salutarium
artium , medici & chirurgi quam
optimi & experientissimi prodeant .
Vidit autem omni ipse doctrina
eruditus id fore facillimum si me-
dicis liceret morborum veras causas
in corporibus dissecatis investigare ,

*Nemo auri**19*

quorum hic copia est cum sint alibi rarissima , & observationes sibi peculiare conscribere , quo nihil est neque certius neque expeditius ad perfectam artis cognitionem adipiscendam . Chirurgorum vero adolescentium animis , quorum hic celeberrimum gymnasium est , nunquam satis inculcari posse morborum sedes qui manu curari debent , quaeque partes tuto secari nequeant , ossiumque positus & figurae , quibus ubi iniuria accessit non aliunde auxilium expectare fas est , quam a perita chirurgi manu . Quare prudentissime voluit ut medicorum cuique facultas esset ea corpora perscrutandi , quae viva servari non potuerunt , & clarissimis professoribus qui iuventutem hanc erudiendo tam bene de universa civitate promerentur , a Serenissimo Magno Duce impetravit ut & ego multo cum meo honore

nore iuberer , meam qualis eacunque sit industriam adiicere

Quod ego non modo facile patior , sed maxime gaudeo hanc praeclaram atque amplam mihi occasionem dari ea studia renovandi quae ab ineunte aetate plurimum amavi , hortatu praecipue doctissimi praeceptoris Thomae Puccinii , quem ex hoc ipso loco splendidam de huiusmodi rebus orationem habentem aliquando audivistis , qui mihi multisque bonis maxime flebilis , tam cito contra spem ereptus est . Et clarissimorum quoque virorum fama non minimum incensus fui , quorum nonnullos veterum exemplo adivi , quibusque me vel magistris vel amicis usum esse , vel tantummodo collocutum , ut vera fatear , haud parum glorior . Eoque magis quod eorum immortalia scripta videam in multa admiratione nostrorum etiam hominum

num esse . Cur hic honoris causa non mihi nominandi sint Verneius, qui Pecquetum audivisse memorabat, Freindius , Ruyschius , Meadius , & Boerhavius ? quibus cum ego consilium aperuerim de edendis celebribus illis Graecorum chirurgorum libris ex antiquissima & optima bibliotheca Medicea, quod a Bartholinio & Tollo frustra tentatum antea fuerat, tantam ex illorum cohortationibus alacritatem cepi , ut omnia inde anecdota ad eam rem facientia iam exscripserim , quae vel longius premere vel imperfecte admodum edere opus fuisset , nisi opportunissima haec occasio mihi data esset antiquorum illa praecepta ex ipsa veritate , id est oculata observatione illustrandi

Quod factum non modo probavit SERENISSIMA ELECTRIX & princeps piissima Magni Ducis soror ,
sed

anno 1730

sed ea qua est clementia & erga literas & bonas artes omnes benignitate, antiquo regiae suae gentis more etiam suasit, cui me meaque plurimum debere & hoc nomine & aliis multis summa cum veneratione & animo gratissimo fateor. Cum vero id quod mihi assignasti muneris, Moderator amplissime, non minus commode studiis meis cessurum sperem, quam consilio a te sapientissime suscepto inserviturum, maximas tibi gratias & ago & habeo, & voluntati huic tuae de promovenda medicina & chirurgia, omni animi impetu me semper obsecuturum polliceor. Quicumque igitur aggredi velit auditores optimi, ad antiquissimam, atque omnium gentium studiis iam paene perfectam naturalis philosophiae partem, quae hominis cognitionem ex ipsa corporis contemplatione & experimentis tutissime tradit, aliis qui-

quidem disciplinis opportunam , sanitatis vero humanae praesidibus artibus medicinae & chirurgiae maxime necessariam , is sciat me facilem comitem sibi more Socratico habiturum in eruenda ex ipsis rebus veritate . In quo operoso negotio expediendo si quid scientiae deerit , voluntatem saltem & diligentiam , ut vestra fert humanitas , boni consulite , & meliora in dies conanti indulgentia & favore vestro animum addite





